

Kingusinnerpaamik UPA 2013-imi konto pingaarneq 30.10.45 Meeqqat inuusuttullu immikkut suliniuteqarfigineqarnerat pillugit suliniutit aallartisarneqarsimasut sumut killiffiinik naliliinertalinnik Naalakkersuisut Inatsisartunut nalunaarusioqullugit peqquneqarnissaanik Inatsisartut aalajangiiffisassaattut siunnersuut.
(Inatsisartunut ilaasortat Ruth Heilmann aamma Kristian Jeremiassen, Siumut)

Akissuteqaat

(Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoq)

Siullermeerneqarnera

Aallaqqaasiullugu Inatsisartunut ilaasortat Ruth Heilmann aamma Kristian Jeremiassen qujassuteqarfigissavakka, meeqqanut inuusuttunullu kiisalu taakku peroriartornerannut ineriartornerannullu tamat akisussaaqatigiinnerat, pingaartumillu angajoqqaat akisussaanerat nukittorsarniarlugu kontup pingaarnerup 30.10.45-p, Meeqqat inuusuttullu immikkut suliniuteqarfigineqarnerat, iluani suliniutaasut 2012-imi aallartinneqarsimasut eqqummaariffigimmatigit.

Iliuusissat suliniuteqarfissallu kontup pingaarnerup 30.10.45-p, Meeqqat inuusuttullu immikkut suliniuteqarfigineqarnerat, iluani aammalu tassanga aningaasalersorlugit 2012-imi aallartinneqartut ilaat inersimasut, pingaartumillu angajoqqaat, aamma meeqqat inuusuttullu attaveqatigiinnerannut, meeqqat inuusuttullu peroriartornerannut ineriartornerannullu pingaarutilerujussuarmut toqqaannartumik toqqaannanginnerusumillu ikorfartuutaassapput.

2010-miit ullumimut Aningaasanut Inatsisini meeqqanut inuusuttunullu tunngasunut immikkut 70 mio. Kr. aningaasaliissutaapput. Aningaasat taakku kontomi pingaarnermi 30.10.45, Meeqqanut inuusuttunullu tunngasuni immikkut iliuitsit, taamaallaat inissinneqanngillat.

Suliniutit taaneqarsinnaasut ilaatigut tassaapput ilaqutariinnut højskolertitsisarnerit, soorlu imaattunik qulequtserlugit 'Meeqqamik paaqqutarinninneq', 'Angajoqqaat sakkussaat', 'Ilaqutariit angerlarsimaffianni ikorfartuineq' assigisaallu. Angajoqqaanngulersut tamakku saniatigut aamma suliniuteqarfigineqarput, soorlu pikkorissartitsineq 'Meerartaarnissamut piareernej' aamma suliniut 'Ilaqutariinnut naartusortalinnut siusinaartumik iliuseqarneq'. Aammattaaq angajoqqaarsianut qitornarsianullu assigiinngitsunik aaqqissuussisoqartarpoq.

Suliniutit meeqqanut inuusuttunullu, kiisalu ilaqutariinnut toqqaannartumik sammitinneqartut saniatigut inuit ilinniagallit taakkununga ikorfartuisussat assigiinngitsutigut 2012-imi annertusaavigineqarput. Assersuutigalugu ilaqutariinnik sullissiviit, ilaatigut Meeqqanut Inuusuttunullu Periusissap malitsigisaanik aningaasarpassuarnik tapiiffigineqarput. Tamakkua saniatigut angajoqqaarsiat siunnersortaannut tapiissuteqartoqarpoq.

Aammattaaq suleqatigiilluni suliniut NAKUUSA aalajangersimavoq angajoqqaat akisussaanerat 2012-imi samminiarylugu. Taassuma sammineqarnissaanik kissaateqartuupput meeqqat, NAKUUSA-p meeqqanik 2011-imi ataatsimeersuartitsinerani peqataasut. NAKUUSA-mi meeqqat pillugit oqallittartoqatigiit suleqatigalugit paasisitsiniaaneq, meeqqat angajoqqaallu oqaloqatigiittarnerisa pitsaanerulernissaanik ammanerulernissaanillu siunertaqartoq

suliarineqarsimavoq.

Kiisalu Meeqqanut Inuusuttunullu Periusissaq, ukiut apeqqutaatillugit aamma ajornartorsiutit aallaavigalugit siusissukkut iliuuseqarnissamik kiisalu atonerluinermik katsorsaanissamik 2012-imi immikkut eqqummaariffigniffiusoq malitseqartinniarlugu sulisoqarpoq. Suliniutit pilersaarutillu ingerlanneqareersut nukittorsaavigineqarnissaat siammarterneqarnissaallu siunertaralugu tapersersuineq ilutigalugu suliniutit pilersaarutillu assigiinngitsut nutaat arlallit aallartinneqarsimapput.

Misissuinissanut, allaaserinninnissanut pilersaarusiornissanullu aningaasaliissutit, ukiuni aggersuni aningaasaliissutaajumaartussanit amerlanerungaatsiartut 2012-imi aningaasaliissutigineqarsimapput. Suliniutit pilersaarutillu ataasiakkaat piukkunnarluartuunissaat tassuunakkut siunertarpiaavoq. Tamanna aamma Meeqqanut inuusuttunullu periusissaq kiisalu suliniutit pilersaarutillu taassuma iluani aallartinneqartussat pillugit assigiinngitsunik suliallit suleqatigiinnerannik annertusaaqataassaaq.

Naliliineq, malinnaaneq uuttuinerlu Meeqqanut Inuusuttunullu Periusissiami imminermi suliniuteqarfiuvoq. Naalackersuisut pingaarteqaat suliniutit ingerlassallu aalarnisakkat taparserneqartullu assigiinngitsutigut malinnaavigineqarnissaat. Taamaammat naliliinissamut, malinnaanissamut uuttuinissamullu sakkussat inerisarnissaat 2012-imi assigiinngitsutigut suliniutinut ingerlatsinernullu aalarnisarneqareersunut ilaatinneqarput.

Naalackersuisut Inatsisartunut ilaasortat Ruth Heilmannip aamma Kristian Jeremiassenip siunnersuutaat taperseruminartippaat, aammali siunnersuutigerusullugu Naalackersuisut konto pingaarnaq 30.10.45 Meeqqanut Inuusuttunullu tunngasutigut immikkut iliuuseqarneq kisiat naliliiviginagu, meeqqanut inuusuttunullu tunngasutigut 2010-miilli immikkut iliuuseqarneq tamarmi nalilerneqassasoq.

Toqqaannartumik tunngavissaqartumik inerniilisoqarsinnaatinanngu, paarlaallugu killiffik allaaserineqarsinnaavoq, tamatumunnga ilaatigut ilanngullugu malinnaanerup naliliinerullu aaqqissuussaasumik suliarineqartalernissaasa ileqquliunneqarnissaat imaluunniit tamatumunnga nukissanik immikkoorsinissaq. Tamatuma saniatigut Meeqqanut Inuusuttunullu Periusissiamik piviusunngortitsiniarluni suliat nikeriartitsinerinut tunngasunik naliliinerit ingerlanneqarsinnaallutillu ingerlanneqartariaqarput.

Qulaani pineqartut tunuliaqutaralugit Naalackersuisut inassutigaat siunnersuut akuerineqassanngitsoq, paarlaalluguli Inatsisartut aalajangiiffigisassaattut siunnersuummut allannguutissatut siunnersuutigineqassasoq, Naalackersuisut UPA 2013-imut nalunaarusiussasut, tassanilu meeqqanut inuusuttunullu tunngasutigut 2010-miilli immikkut suliniutaasimasut tamarnik killiffissiorneqarlutillu naliliiffigineqassasut.